



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 56. Ejusdem sententia circa quæstionem: an idem sub una, quam sub duabus speciebus recipiantur?

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

„carnis, & potus Sanguinis, interdum
„solus efus carnis memoratur.,,

Sæcul. XVI.
A.C. 1562.

§. LVI.

Ejusdem sententia circa quæstionem:

An idem sub una, quam sub
duabus speciebus re-
cipiatur?

In quarto articulo, qui secundus erat
inter dogmaticos, nimirum, *num
idem, an minus sumatur sub una specie,
quam sub utraque*, Salmeron primum
tanquam minime dubium affirmabat,
eoquod Christus integer contineatur sub
utraque seorsim specie cum anima, &
Divinitate sua, sicuti est in Coelo, id-
que fuisse definitum declarabat in Con-
ciliis Constantiensi, & Florentino, at-
que idem confirmari ajebat ab usu Ec-
clesiæ, quæ fidelibus adorandum pro-
ponit hoc Sacramentum sub sola panis
specie: an vero Eucharistiam sub una
specie sumens tantum gratiæ, quantum
sub utraque illam accipiens recipiat,
ad hunc articulum non pertinere ajebat;
cum extra controversiam sit, quod tan-
tum contineatur, ac significetur in una
solum hostia, quantum in multis, nec
idcirco tantum gratiæ recipiatur in
unica hostiæ sumptione, quam in mul-
tis: quapropter ostendebat, quod pro-

Sæcul. XVI
A.C. 1562.

pendeat in eam Sententiam, quæ dicit, gratiam in utroque casu æqualem esse; porro id ipsum conatus est multis rationibus persuadere, atque præprimis inquietabat, quod ea de re Patres, ac Concilia, quia hanc rem tanquam certam supponebant, non loquerentur, neque Ecclesia negatura fuisset Calicem non celebrantibus; si cum eo simul oportuisset aliquod incrementum gratiæ ipsis auferri.

De secundo articulo, *num usus Calicis cuilibet sit permittendus*, Salmeron respondit, id relinqui arbitrio Ecclesiæ, cujus esset accurato examine hujus rei commoda, & detrimenta utrinque perpendere: porro hæc sedulo ponderanda sibi videri aiebat, plurimis de causis, quas etiam enumerabat: nos autem de iis postea mentionem faciemus, cum sermo erit de arctioribus ad hoc statuendum consiliis. Hoc stabilito nihil circa tertium articulum dicendum supererat de conditionibus præscribendis, sub quibus calicis usus indulgeretur. De quinto, ac postremo articulo: *an lege Divina necessarium foret infantibus etiam Eucharistiam tradere*, suam mentem non exposuit Salmeron, sed hanc questionem aliorum Theologorum examini, ac discussioni reliquit.

§. LVII.